

ADDENDA DE PRÓRROGA E MODIFICACIÓN AO CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES E A ORDEN FRADES MENORES (OFM) PROVINCIA FRANCISCANA DE SANTIAGO PARA A EXECUCIÓN DAS OBRAS DE CONSERVACIÓN NO CONVENTO DE SAN FRANCISCO DE SANTIAGO DE COMPOSTELA (A CORUÑA).

Santiago de Compostela, a data da última sinatura electrónica

INTERVEÑEN

Dunha parte, D. Román Rodríguez González, actuando en representación da Consellería de Cultura, Educación, Formación Profesional e Universidades, en virtude do seu cargo de conselleiro, en exercicio das facultades que lle confire o artigo 34 da Lei 1/1983, de 22 de febreiro, reguladora da Xunta e da súa Presidencia, así como o artigo 2º da Resolución de 8 de abril de 1991, pola que se fai público o acordo do Consello da Xunta de Galicia de 27 de marzo de 1991 sobre convenios de cooperación con outros entes públicos e de colaboración con particulares.

Doutra, Sr. D. Juan Manuel Buján García, actuando como representante legal da Orden de Frades Menores como ministro da provincia franciscana de Santiago, segundo certificado da Subdirección General de Libertad Religiosa do Ministerio de Presidencia, Relaciones con las Cortes y Memoria Democrática,

Todas as partes teñen capacidade legal e competencia suficientes para outorgar a presente addenda e, a tal efecto,

EXPOÑEN

Primeiro: que con data 07 de setembro de 2023 a Consellería de Cultura, Educación, Formación Profesional e Universidades en virtude do Decreto 58/2022, do 15 de maio, polo que se establece a estrutura orgánica da Xunta de Galicia, DOG núm. 94, do 16 de maio) e a Orden de Frades Menores da provincia franciscana de Santiago, asinaron un convenio de colaboración co fin de establecer as bases de colaboración para cofinanciar as actuacións de conservación no Convento de San Francisco de Santiago de Compostela.

Segundo: Que a necesidade desta addenda é consecuencia dunha causa xustificada, non imputable ás partes asinantes, xa que iniciadas as obras instaláronse os medios auxiliares que permitiron acceder aos distintos ámbitos de obra e achegarse, con proximidade suficiente, aos distintos sistemas construtivos para comprobar o seu estado real e os axentes de deterioro que os afectan.

Con estes medios foi posible realizar unha inspección detida do estado da pedra das fachadas, dos elementos de protección fronte á choiva, de peche – basicamente as ventás e as carpinterías que as pechan – e doutros aspectos particulares dos sistemas construtivos que conforman as fachadas e o cimborrio da igrexa. Asemade, co inicio das obras da cuberta, ao levantar o material de cubrición, permitiu comprobar con claridade e exactitude o estado da estrutura da cuberta e de outros elementos de formigón armado

realizados na reconstrución da fachada principal no século XX, logo do seu colapso parcial.

Unha vez avaliados os danos e patoloxías existentes, comprobouse que é necesario realizar traballos de reparación dalgún destes elementos xa que están directamente relacionados coas obras en marcha e asemade a posibilidade de contar cos medios auxiliares instalados na obra en execución facilitaría e faría máis económico e viable a realización dos necesarios e nalgún caso, imprescindibles, traballos de conservación complementarios da cuberta da igrexa.

A Oficina Técnica do Consorcio de Santiago de Compostela redactou un novo proxecto titulado: “Proxecto de obras de limpeza e conservación da igrexa do convento de San Francisco. Ciborio, fachadas laterais, baixo cuberta. Santiago de Compostela“. Dito documento ten por obxecto a reparación dos danos detectados durante a execución das obras de conservación da cuberta da igrexa do convento de San Francisco.

Por iso, a addenda que se propón ten como obxecto a modificación das cláusulas segunda (achega económica), para aumentar o importe da subvención outorgada pola Consellería de Cultura, Educación, Formación Profesional e Universidades; quinta (xustificación dos investimentos), para a ampliación do prazo de xustificación dos investimentos; e sétima (período de vixencia), ampliando o prazo de vixencia do convenio suscrito.

Por todo o anterior, e de conformidade co exposto, as partes **ACORDAN** celebrar a presente addenda que se rexerá polas seguintes

CLÁUSULAS

Primeira.- Obxecto.

O obxecto da Addenda é a modificación das cláusulas segunda (achega económica), para aumentar o importe da subvención outorgada pola Consellería de Cultura, Educación, Formación Profesional e Universidades; quinta (xustificación dos investimentos), para a ampliación do prazo de xustificación dos investimentos; e sétima (período de vixencia), ampliando o prazo de vixencia do convenio suscrito.

Segunda.- Modificación do convenio.

En primeiro lugar, para posibilitar un incremento da dotación económica da subvención outorgada, modifícase a cláusula segunda do convenio que queda redactada como segue:

Segunda.- achega económica.

As actuacións a desenvolver ao abeiro do presente convenio serán as derivadas do Proxecto de obras de conservación da cuberta da igrexa do convento de San Francisco de Santiago de Compostela, redactado pola Oficina Técnica do Consorcio de Santiago en 2020, cos prezos actualizados a 2022 segundo o orzamento derivado da contratación da obra por parte da OFM Provincia de Santiago, 868.325,99 €, incluído o 21% de IVE.

Conxuntamente coas derivadas do “Proxecto de obras de limpeza e conservación da igrexa do convento de San Francisco. Ciborio, fachadas laterais, baixo cuberta.



Santiago de Compostela”, redactado pola Oficina Técnica do Consorcio de Santiago de Compostela en 2023, que ten un presuposto de contrata de 490.409,84 €, incluído o 21% de IVE.

*O importe da subvención máxima para a execución destas intervencións é de **525.000,00 €** (350.000,00 € + 175.000,00 €) que será financiada con cargo á **aplicación 10.05.433A.781.1, código de proxecto 2015 00349** dos Orzamentos da Xunta de Galicia para os anos 2023 e 2024.*

Será compatible a percepción doutras axudas para o mesmo proxecto sempre que, illada ou en concorrencia con subvencións ou axudas doutras administracións públicas ou doutros entes públicos ou privados, non supere o custo da actuación que vai desenvolver o beneficiario.

Estas achegas repartiranse en dúas anualidades segundo o indicado no seguinte cadro:

Anualidade	Importe
Ano 2023	350.000,00 €
Ano 2024	175.000,00 €
Total	525.000,00 €

En segundo lugar, para posibilitar unha ampliación do período de xustificación dos investimentos, modifícase a cláusula quinta.

Quinta: xustificación dos investimentos.

Gastos subvencionables: considéranse subvencionables os gastos especificados no artigo 29 da Lei de Subvencións de Galicia, que respondan de xeito indubidable á natureza da actividade subvencionada e se realicen no período de vixencia do convenio.

Consideraranse subvencionables os gastos que respondan de xeito indubidable á natureza da actividade subvencionada dende o 1 de xaneiro do 2023 ata a data límite de vixencia do convenio.

Os tributos son gasto subvencionable cando o beneficiario da subvención os aboa efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación, nin os impostos persoais sobre a renda.

De acordo co artigo 29.2 da Lei de subvencións de Galicia, considerarase gasto realizado o que foi efectivamente pagado con anterioridade á finalización do período de vixencia do convenio.

Para a percepción das axudas concedidas será necesario presentar ante a Dirección Xeral de Patrimonio Cultural, orixinal ou copia compulsada da documentación que a seguir se relaciona.

Documentación que ten que presentar o beneficiario:



- a) Memoria da actuación, xustificativa do cumprimento das condicións impostas neste acordo, coa indicación das actividades realizadas e dos resultados obtidos.
- b) Memoria económica xustificativa do custo das actividades realizadas, asinada polo órgano competente da entidade beneficiaria, que conterá:
- 1.- Unha certificación de obra asinada pola dirección facultativa das obras e a empresa adxudicataria, na que figure a conformidade da entidade beneficiaria, e no seu caso unha relación clasificada de gastos e investimentos, segundo o modelo que se xunta como anexo I.
 - 2.- Os tres orzamentos que, en aplicación do artigo 29.3 da Lei 9/2007, de 13 de xuño, de Subvencións de Galicia, teña solicitado o beneficiario.
- c) As facturas ou os documentos de valor probatorio equivalente no tráfico xurídico mercantil ou con eficacia administrativa.
- d) Extractos ou certificacións bancarias acreditativos do pagamento, por medios bancarios, das facturas que forman parte da conta xustificativa. No suposto de que o xustificante de pagamento inclúa varias facturas, deberán xuntar unha relación delas.
- e) Declaración responsable expedida polo órgano competente da entidade beneficiaria, comprensiva das axudas percibidas ou solicitadas para este proxecto, na que se indique a entidade que a concede, a data e o importe total concedido, segundo o modelo que se xunta como anexo II.
- f) Declaración responsable de titularidade da conta bancaria (anexo III).
- g) Declaración responsable do órgano competente da entidade beneficiaria, de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública da Comunidade Autónoma (anexo IV).

O prazo para a presentación das xustificacións correspondentes rematará o día 30/11/2023 para a anualidade de 2023 e o o día 30/07/2024 para a anualidade de 2024.

Pagamento da subvención: o pago do importe previsto realizarase logo de comprobar a xustificación presentada e a execución da porcentaxe da obra (en base ao custe) que se corresponda ca contía total da axuda. No caso de non chegar ao porcentaxe fixado, o pagamento realizarase pola parte proporcional da contía da subvención prevista efectivamente xustificada.

Pagamentos a conta: A Consellería de Cultura Educación, Formación Profesional e Universidades poderá realizar pagamentos a conta que responderán ao ritmo de execución das obras subvencionadas.

A entidade beneficiaria deberá presentar igualmente cando remate a totalidade da obra, a documentación xustificativa da realización da totalidade da obra.

Os pagamentos a conta que realice a Consellería de Cultura, Educación, Formación Profesional e Universidades non poderá superar o 80% do importe total subvencionado.

No suposto de pagos a conta o beneficiario estará exento da obriga de constituír a garantía se o Consello da Xunta autoriza a exención que se lle solicitou en virtude do artigo 67.4 do Regulamento da Lei de subvencións de Galicia.



En terceiro lugar, para posibilitar unha ampliación do período de vixencia, modifícase a cláusula sétima do convenio que queda redactada como segue:

Sétima: Período de vixencia.

O presente convenio entrará en vigor o día da súa sinatura e estará vixente ata o 31 de decembro de 2024.

Previo informe favorable da Comisión de Seguimento poderán propoñerse e solicitarse prórrogas do período de vixencia deste convenio debéndose tramitar a oportuna adenda ao mesmo.

Admitiríanse xustificacións de pagos realizados desde o 1 de xaneiro de 2023.

Poderanse presentar xustificacións de pagos realizados ao longo dos anos 2023 e 2024.

Terceira.- Réxime xurídico e vixencia.

Mantense a redacción do resto das cláusulas do convenio. Esta addenda intégrase no mesmo como parte inseparable co seu mesmo réxime xurídico e producirá efecto tras a súa firma por ambas as partes.

E en proba de conformidade, as partes asinan electronicamente a presente addenda, constando como data de subscrición a correspondente á da última firma realizada.

**Pola Consellería de Cultura, Edu-
cación, Formación Profesional e
Universidades**

**O Ministro da provincia franciscana
de Santiago**

Román Rodríguez González
Conselleiro

D. Juan Manuel Buján García
Ministro da provincia franciscana de
Santiago